



Adresa: **Ul. Hamdije Čemerlića 39 a**  
71000 Sarajevo  
<http://www.voda.ba>

tel. +387 33 726 400;  
fax. +387 33 726 423;  
e – mail: [info@voda.ba](mailto:info@voda.ba) .

Broj: **30-220-16/17**  
Datum: 30.05.2017. godine

Na osnovu članova 25., 70. i 72. stav (3) alineja b) Zakona o javnim nabavkama ("Službeni glasnik BiH", broj 39/14) i preporuke Komisije za provođenje postupka javne nabavke usluga: "Glavni projekat: Uređenje lijeve obale Drine u Ustikolini, dionica od naselja Modrani do ušća Kosovske rijeke, dužine cca 800 m", donosim

### **O D L U K U**

**o poništenju Odluke o izboru najpovoljnijeg ponuđača i izboru najpovoljnijeg ponuđača za javnu nabavku usluga „Glavni projekat: Uređenje lijeve obale Drine u Ustikolini, dionica od naselja Modrani do ušća Kosovske rijeke, dužine cca 800 m“**

#### Član 1.

**Poništava se Odluka o izboru najpovoljnijeg ponuđača za javnu nabavku usluga: „Glavni projekat: Uređenje lijeve obale Drine u Ustikolini, dionica od naselja Modrani do ušća Kosovske rijeke, dužine cca 800 m“ broj: 30-220-15/17 od 25.04.2017. godine** iz razloga što je najpovoljniji ponuđač Projekt ad Banja Luka nije dostavio Ovlaštenje za obavljanje djelatnosti projektovanja hidroinstalacija i hidrotehničkih objekata za građevine na području FBiH, koje je propisano Uredbom o uređenju gradilišta, obaveznoj dokumentaciji na gradilištu i učesnicima u građenju (Službene novine Federacije BiH broj 48/09 i 75/09), a koje je traženo tačkom 3.2 b) tenderske dokumentacije broj: 30-220-3/17.

#### Član 2.

Kao najpovoljniji ponuđač za javnu nabavku usluga „Glavni projekat: Uređenje lijeve obale Drine u Ustikolini, dionica od naselja Modrani do ušća Kosovske rijeke, dužine cca 800 m“ **bira se ponuđač Zavod za Vodoprivredu d.d. Sarajevo**, ul. Paromlinska 53 E/I, 71000 Sarajevo, MBS:65-02-0027-09, registrovan kod Općinskog suda u Sarajevu, JIB: 4200177320009, sve prema ponudi broj: 03-21-38-3/17 od 14.04.2017. godine, **za ponuđenu cijenu od 8.100,00 KM bez PDV-a, odnosno 9.477,00 KM sa PDV-om.**

#### Član 3.

Ponuđač Zavod za Vodoprivredu d.d. Sarajevo je obavezan dostaviti svu dokumentaciju traženu tenderskom dokumentacijom u roku od 10 dana računajući od dana zaprimanja ove Odluke od strane ugovornog organa.

#### Član 4.

Za izvršenje ove Odluke zadužuje se Sektor za realizaciju projekata Agencije za vodno područje rijeke Save, Sarajevo.

## Član 5.

Ova odluka će se objaviti na web-stranici [www.voda.ba](http://www.voda.ba), istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

## Član 6.

Ova Odluka stupa na snagu danom donošenja.

### OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30-220-2/17 od 15.03.2017. godine. Javna nabavka je provedena putem otvorenog postupka. Procijenjena vrijednost nabavke bez PDV-a iznosi 12.800,00 KM. Obavještenje o nabavci broj: 1132-1-2-28-3-24/17 je poslato na objavu i objavljeno na portalu javnih nabavki dana 20.03.2017. godine.

Na adresu Agencije su pristigle sljedeće ponude:

R. broj	PONUĐAČ	Cijena na (javnom) otvaranju KM (bez PDV-a)
1.	Projekt ad Banja Luka	7.950,00
2.	Zavod za vodoprivredu d.d. Sarajevo	8.100,00
3.	Higracon d.o.o. Sarajevo	8.200,00
4.	IPSA Institut d.o.o. Sarajevo	8.760,00
5.	TZI-Inženjering d.o.o. Sarajevo	10.500,00
6.	Saraj Inženjering d.o.o. Sarajevo	12.800,00
7.	ES Hydrotechnics d.o.o. Sarajevo	18.000,00

Komisija za nabavku je imenovana Rješenjem broj: 30-220-4/17 od 20.03.2017. godine. Komisija je blagovremeno i pravilno izvršila otvaranje i ocjenu pristiglih ponuda, o čemu je sačinila Zapisnik o otvaranju ponuda i Zapisnik o pregledu i ocjeni ponuda.

Shodno rezultatima pregleda i ocijene ponuda i rang listi prihvatljivih ponuda donesena je Odluka o izboru najpovoljnijeg ponuđača broj 30-220-15/17 od 25.04.2017. godine kojom je ugovor dodjeljen ponuđaču Projekt ad Banja Luka kao najbolje ocjenjenom ponuđaču.

Obzirom da ponuđač Projekt ad Banja Luka do momenta zaključenja ugovora nije dostavio Ovlaštenje za obavljanje djelatnosti projektovanja hidroinstalacija i hidrotehničkih objekata za građevine na području FBiH, koje je propisano Uredbom o uređenju gradilišta, obaveznoj dokumentaciji na gradilištu i učesnicima u građenju (Službene novine Federacije BiH broj 48/09 i 75/09), a koje je traženo tenderskom dokumentacijom poništava se Odluka o izboru najpovoljnijeg ponuđača za javnu nabavku usluga „Glavni projekat: Uređenje lijeve obale Drine u Ustikolini, dionica od naselja Modrani do ušća Kosovske rijeke, dužine cca 800 m“ broj 30-220-15/17 od 25.04.2017. godine i donosi se Odluka o izboru najpovoljnijeg ponuđača kojom će se ugovor dodijeliti drugorangiranom ponuđaču Zavod za vodoprivredu d.d. Sarajevo.



Ukoliko ponuđač Zavod za vodoprivredu d.d. Sarajevo propusti dostaviti dokumentaciju traženu tenderskom dokumentacijom u roku navedenom u članu 3. ove Odluke, ugovorni organ će ugovor dodijeliti sljedećem ponuđaču sa rang liste.

Na osnovu navedenog odlučeno je kao u dispozitivu.

#### PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema Odluke o poništenju odluke o izboru najpovoljnijeg ponuđača. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka u iznosu od 500,00 KM (član 108. stav (1) tačka a) Zakona o javnim nabavkama BiH).



DIREKTOR

*Sejad Delić*  
Sejad Delić, dipl.inž.

Dostaviti:

- Ponuđačima
- Sektor 30
- a/a